



Prishtinë, 13 prill 2018
Kodi i ZRRE-së: V_973_2018

Bordi i Zyrës së Rregullatorit për Energji

Duke u bazuar në:

- Nenin 9 paragrafi 1 nënparagrafi 1.7, nenin 15 paragrafi 1 nënparagrafi 1.15, nenin 25, nenin 26 paragrafi 1 nënparagrafi 1.2 dhe nenin 43 paragrafi 1 të Ligjit për Rregullatorin e Energjisë (Nr.05/L-084);
- Nenin 14 paragrafi 6 dhe 7 të Rregullës për Procedurën e Autorizimit për Ndërtimin e Kapaciteteve të reja;
- Vendimin mbi Njoftimin për Autorizimin Preliminar V_896_2017 të datës 16 mars 2017 të lëshuar shoqërisë "Security Team Kabashi K" Sh.p.k., me të cilën ka dëshmuar përshtatshmërinë për zhvillimin e projektit për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Erenik në Lokacionin ZK Jasiq, me kapacitet të instaluar prej 1.86 MW, Komuna e Junikut, Republika e Kosovës, dhe
- Kërkesën për vazhdimin e afatit të vlefshmërisë të Vendimit mbi Njoftimin për Autorizimin Preliminar për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Erenik në Lokacionin ZK Jasiq, me kapacitet të instaluar prej 1.86 MW, Komuna e Junikut, të datës 19.03.2018, të shoqërisë "Security Team Kabashi K" Sh.p.k., me adresë: Rruga e "Mentoj Tolaj" nr. 87, 51000 Deçan, Republika e Kosovës,

në seancën e mbajtur me datë 13 prill 2018 nxori këtë:

V E N D I M

- I. **APROVOHET** kërkesa e shoqërisë "Security Team Kabashi K" Sh.p.k., dhe **SHTYHET** afati i vlefshmërisë së Vendimit mbi Njoftimin për Autorizimin Preliminar V_896_2017 i datës 16 mars 2017, për kompletimin e aplikacionit për marrjen e Autorizimit Final, për ndërtimin e Hidrocentralit HC Erenik në Lokacionin ZK Jasiq, me kapacitet të instaluar prej 1.86 MW, Komuna e Junikut, edhe për një afat gjashtë (6) mujor, gjegjësisht **deri me 16 shtator 2018**.
- II. Shoqëria "Security Team Kabashi K" Sh.p.k., obligohet që brenda këtij afati të bëjë kërkesë me shkrim për shndërrimin e Vendimit mbi Njoftimin Preliminar në Autorizim Final për ndërtimin e kapaciteteve të reja gjeneruese për prodhimin e energjisë elektrike nga Hidrocentrali HC Erenik në Lokacionin ZK Jasiq, me kapacitet të instaluar prej 1.86 MW, Komuna e Junikut, gjegjësisht deri me datën **16 shtator 2018** duke i plotësuar të gjitha kushtet e përcaktuara me Rregullën e Procedurës së Autorizimit për ndërtimin e kapaciteteve të reja dhe legjislacionin në fuqi.
- III. Pas skadimit të afatit të cekur në pikën I. të dispozitivit, Vendimi V_896_2017 i datës 16 mars 2017 mbi Njoftimin për Autorizimin Preliminar, do të shfuqizohet në mënyrë automatike, dhe nuk do të shqyrtohet nga Bordi i ZRRE-së.




Arsyetim

- o ZRRE, me datë 12.01.2017 nga shoqëria **"Security Team Kabashi K" Sh.p.k.**, ka pranuar aplikacionin për marrjen e autorizimit për ndërtimin e kapaciteteve të reja gjeneruese për prodhimin e energjisë elektrike Hidrocentrali HC Erenik në Lokacionin ZK Jasiq, me kapacitet të instaluar prej 1.86 MW, Komuna e Junikut, Republika e Kosovës.
 - o ZRRE pas konstatimit se aplikuesi ka dëshmuar përshtatshmërinë e tij për ndërtimin e kapaciteteve të reja gjeneruese nga Hidrocentrali, me datë 16 mars 2017 ka lëshuar Vendimin mbi Njoftimin për Autorizimin Preliminar V_896_2017, dhe ka udhëzuar aplikuesin që t'i plotësoj kërkesat tjera ligjore që kërkohen me legjislacionin në fuqi në Republikën e Kosovës.
 - o Vendim mbi Njoftimin për Autorizimin Preliminar V_896_2017, nuk ka nënkuptuar edhe lëshimin e Autorizimit, përderisa nuk plotësohen kërkesat e përcaktuara me Rregullën e Procedurës së autorizimit për ndërtimin e kapaciteteve të reja.
 - o Njoftimi mbi Vendimin për Autorizimin Preliminar ka përcaktuar disponueshmërinë e caqeve si dhe pranimin e aplikuesit në skemën mbështetëse dhe garantimin automatik të tarifës nxitëse.
 - o Njoftimi mbi Vendimin për Autorizimin Preliminar ka përcaktuar se aplikuesit i garantohet lidhja e Marrëveshjes për Shitblerje të Energjisë Elektrike me Furnizuesit Publik në kohëzgjatje 10 vjeçare, e cila do të lidhet së paku (30) ditësh para datës së fillimit të operimit gjenerues.
 - o Vendimi mbi Njoftimin për Autorizimin Preliminar, është lëshuar në afat (1) një vjeçar, dhe në këtë vendim është përcaktuar se shoqërisë "Security Team Kabashi K" Sh.p.k., do t'i jepet Autorizimi për ndërtim, nëse brenda këtij afati do të bëjë një kërkesë me shkrim për shndërrimin e Vendimit mbi Njoftimin Preliminar në Autorizim duke i plotësuar të gjitha kushtet e përcaktuara me Rregullën e Procedurës së autorizimit për ndërtimin e kapaciteteve të reja dhe legjislacionin në fuqi.
 - o Aplikuesi "Security Team Kabashi K" Sh.p.k., me datë 19.03.2018 ka parashtruar kërkesën për shtyrje të afatit të vlefshmërisë së Vendimit mbi Njoftimin për Autorizimin Preliminar dhe në kërkesën e saj ka sqaruar se: *arsyeja e vazhdimit të vendimit mbi njoftimin për autorizimin preliminar është se janë në pritje të marrjes së Lejes Ndërtimore nga organi Kompetent i Komunës së Junikut, dhe vonesa për mos pajisje me Leje ndërtimore ka ardhur si pasojë e mos-funksionalizmit të këtyre organeve.*
 - o *Andaj kanë kërkuar që të shtyhet afati i vlefshmërisë së Vendimit për Autorizimin Preliminar, dhe brenda kësaj periudhe do të dorëzojnë dokumentacionin e kompletuar për autorizim final.*
 - o Bordi i ZRRE-së, pas analizimit të kërkesës së shoqërisë Security Team Kabashi K" Sh.p.k., për shtyrje të afatit të vlefshmërisë të Vendimit mbi Njoftimin për Autorizimin Preliminar, ka vlerësuar atë dhe duke u mbështetur në dispozitat ligjore të cekura në hyrje të këtij vendimi, ka vendosur si në dispozitiv të këtij vendimi.
- IV. Vendimi nxirret dhe publikohet në gjuhët zyrtare në Republikën e Kosovës.
- V. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.




Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimi të Vendimit ose data e publikimit të tij në faqen elektronike të ZRRE-së, cilado që ndodh e fundit.

Bordi i Rregullatorit


Arsim Janova, u.d. Kryesues


Besim Sejfiqaj, Anëtar


Selman Hoti, Anëtar


Izet Rushiti, Anëtar

Vendimi iu dërgohet:

- Palës,
- Komunës së Junikut,
- Sekretarit të Përgjithshëm të MMPH-së, dhe
- Arkivit të ZRRE-së